

## **Lejletu-r-regaib - Noć za preispitivanje naših želja**

Dvije su mubarek noći u mjesecu redžebu: Lejletu-r-regaib i Lejletul-mi'radž koje predstavljaju prve vjesnike najdražeg gosta – ramazana. Ibadet u ovim noćima predstavlja duhovnu pripremu za taj mjesec sveopćeg ibadeta.



Proteklog četvrtka, u okviru obilježavanja mubarek noći lejletu-r-egaib, učenice naše škole zajedno s odgojiteljicom obilježile su ovu mubarek noć. Program obilježavanja je počeo pripremom iftara, a potom i klanjanjem akšam namaza. Uslijedilo je kratko druženje uz razgovor kako bismo se prisjetile važnosti ustrajavanja u svojim obvezama da bismo postigli ono što želimo. Istaknuta je važnost rada i nužnosti ulaganja truda budući da bez istoga nema uspjeha, te da se tek nakon što učinimo sve što je u našoj moći, trebamo uputiti i dovu za uspjeh.

Imajući na umu da je dova ili molba Allahu dž. š. bila i ostala spona i most koji povezuje Stvoritelja i Njegovo stvorene; nismo propustile priliku da u noći lejletu-r-regaiba zamolimo za Allahovu milost, blagodat i bereket. Dova je posebno potrebna današnjem čovjeku koji u brzom i dinamičnom životu često izgubi orijentaciju između duhovnog i materijalnog.

Allahu naš, podari nam bereket u redžebu i šabanu i podari nam da dočekamo ramazan!